

Ein new geistlich lied
von dem leyden vnsers Her-
ren/O Jesu Christ/dein
nam der ist/so ge-
waltiglich.



162

AD BIBL.

UNIVERS,

MONAC,

1710

O Jesu Christ / dein nam der ist /
so gwaltiglich / darvor vnd sich /
ein yeglich knie thüt neygen / All
creatur / hymlich figur / yrdische
ding / hellisch gesind / thünd all dir
cer erzeygen / Dem namen dein /
vnd todtes peyn / die man dir war
anlge / Gehorsamlich erzeygst du
dich / am creutz von vnsert wegen
g O Jesu Christ / dein leyden ist /
gar groß vñ schwer / mit aller seer
vmb menschlichs gschlecht ergan-
gen / Zu metten zeyt / hub sich der
streyt / du warst verkausst / der Ju-
denschafft / gepeynigt vnd gefan-
gen / Mit grossem has / hand sie
on mas / dich hin vnd her gezogen
Inn solcher not / dein junger drot /
feind all von dir geflohen.

g O Jesu Christ / darnach du bist /
 vmb Prime zeyt / gefürt auf neyd /
 zu Pilato mit waffen / Von Ju-
 den schar / die mit gefar / vngreind
 verklag / vnd falscher sag / verklag-
 ten dich zu straffen / Darzu sie dich
 gar grimigklich / hand bunden vñ
 geschlagen / Verspeyten auch / dein
 gesicht darnach / als Prophecey
 thut sagen.

g O Jesu Christ / der dultig bist /
 vmb Tertz zeyt dann / die Juden
 han / geschryen vnbescheyde / Dem
 Richter zu / in creuzigen thu / du
 warst verspott / ewiger Gott / Be-
 kleyd mit purpur kleyde / Auch sie
 auf zorn / ein kron von dorn / hand
 in dein haubt geschlagen / Vnd dir
 zu leyd / ein Creutz bereyt / an die

statt der peyn zutrauen.

¶ O Jesu Christ / der mechtig bist /
 vmb Sexte zeyt / die Judisheyt /
 an dz creutz gnagelt habe / Durch /
 solche angst / grof durst erlangst /
 nach mensheyt seer / was dein Be-
 ger / gall essig sie dir gaben / Man
 schatz dich gnoß / den Schechern
 grof / die sie zu dir hand ghangen /
 Der böse wicht / zum lincke gricht
 was mit den Juden branget.

¶ O Jesu Christ / der güttig bist /
 als zu der Non / hast du gethon /
 auß geben da dein leben / Mein
 Gott mein Gott / russst du auf
 not / ins vaters hendt / thest du be-
 hendt / dein seel trewlich ergeben /
 Mit einem sper / verwundet seer /
 warde dir da dein seyten / Diesun

erplich/das erdtrich mich / wider
die natur der zeyten.

g O Jesu Christ / der wirdig bist /
zü Vesper stund / man dich begünd
vom Creutz herab zünemen / Und
gab dich bloß / bald inn die schoß /
der mütter dein / es was groß pein /
jr hertz im leyß vernemen / Und
das sie dort in angst vñnd not / den
tod an dir must sehen / Vmb solche
peyn / thū hilfse schein / das wir dir
los veriehen.

g O Jesu Christ / der heylig bist /
vmb Complet zeyt / ward da ge-
leyt / dein leichnam inn die erden /
Der gsalbet ward / kostlicher art /
mit güttem ruch / der geschrifft
nach / die must ersfüllet werden /
Darumb dein schmertz / ein yeg-

167

Elich hertz / soll offt vnnid dick be-
trachten / Vnd danckbar sein / dem
leyden dein / bey tagen vnnid bey
nachten.

g O Jesu Christ / der gnedig bist /
vnnis sündern groß / on alle mos /
mit deinem schatz der gnadē / Die
du so fast / er arnet hast / mit mar-
ter schwer / am creütze Herr / vnd
thüst vns darmit laden / Ins vat-
ters reich / gar gnedigklich / versö-
net hast den zoren / thū hilfse schein
vnnid das dein peyn / an vns nicht
werdt verloren.

g Gedruckt zu Nurenberg
durch Jobst Gutknecht.

५८७ तिर्यक्षां विश्वां विश्वां विश्वां विश्वां विश्वां विश्वां